

# Xatidhdhe xikkito pana kollinkito inthawte dhelleetenu

## Kollo 1 – dhikitno qhac’a

Kollo 1 - Dhikkikka nakayho  
OCTOBER 2022

**Makaanise Maathiwoose**  
*Dihmampakko kollinkito,*  
Komithe napse pinnisay qhaat’eete

**Katoye Maafe Murffaye**  
*Dihmampakko kollinkito, ghohkko inthawte dhelleetena,*  
Komithe napse pinnisay qhaat’eete



## KOLLO Makaxkko xikkito

<b>KASIDHDHE</b>	Dhikkikka nakayho okayte
<b>ALAAMA</b>	Makaxxe huusundhi qalle, lakki lakki kodhdhe, lakki lakki ille xase
<b>KASIDHDHE</b>	Tak'ik'a 5
<b>NAQNO PUDHUNATTE</b>	Dhelle 5-10
<b>XAYTO</b>	Dhelle qhoorrattettay qakkannanu xayto hxafna
<b>GHARSSO</b>	Dheelleesi qhoorrate tootte dhammassa qakkateese
<b>MAAHXHAADH DHE</b>	kaase
<b>SILME</b>	OLHO EEMADHI



<b>TAAYAMMO</b>	<ul style="list-style-type: none"> <li>Kodhmuusi olhu k'aark'ari issi gharisa liqqakooma okaye thaani, dhellenu xayto hxasito pana to'okkunko waarshshito shikkaaraashe. Husiisi dhukunkottay kodhenu tiqte kodh!</li> <li>Kodhmuusi ho mahxna'a pana Kollo na kalaa okayna illay ille ghapadha kodhdhe gheeqa.</li> </ul>
<b>KOLLUUSADHE</b>	<ul style="list-style-type: none"> <li>Dhelle makaxxekki ye illena are payni, ille arasettay atho hele alkannay. M'iaadheesi makaxxe piriththaaneete nu kodhdhe alkannay, moonu makaxxe pilissa huusundhi reehe qhamu k'aark'arrinu.</li> </ul>

### ACHCHANTIINE

- Dheelleesi qhoorrattettay qakkateese.
- Makakko annu paytiisi nu arase, hatupettay kaase nu hathapepa qhawho tookkoosi qhoorrateema xulleese.
- Mi'iaaytakkussa makaxxe huusundhi hayetta pana tokke he xikkussana qagha paynanki "kurr, [Kusheeta]!" thannu, mi'ayyitakkussakka qhoorrattatte kittatte kaaseesi mi'ayye tookkonukki hathapni.
- Haki dhelle mullukko makaxxe huusundhi haynessaasa xikkussa achchase.

## KOLLO Illeema-Hikke Lihsadhe

<b>KASIDHDHE</b>	Dhikkikka nakayho okayte
<b>ALAAMA</b>	Kollinko liqqakkitonu hikkeesi kodhdhe pana na kalaa achche
<b>XEERE</b>	Tak'ik'a 20-25
<b>NAQNO PUDHUNATTE</b>	Dhelle haka 20 saasa
<b>XAYTO</b>	Dhelle qhoorrattettay qakkannanu xayto hxafna
<b>GHARSSO</b>	Dheelleesi qhooratte tootte dhammassa qakkateese
<b>MAAHXHAADHDHE</b>	Chaartte filipatte pana maarkkeere taaki bhoordhdhe pana chokke/maarkkeere, I S S I ACHCHANTIINE gharssu maahxhaadhdheetena
<b>SILME</b>	Olho eemadhi

### ALKASTAANE



heenna waarshshito



pako

- THAAYAMMO**
- Kodhmu hu k'aark'ari xeesnu gharisi pana poolettay xikkadhe pana xayto kolladhe. Husi hu kodhdhe gheeqasi to'okunko paleetatte kodhdhenukki tak'k'ami pana qhaskadhe olito, dhelle lathunnu qandhi.
  - Mi'aadhe hike lihasettakki k'aark'arame payni uumatte hussa kala achche c'ikannanki. Hikkidhdheesi amala huusundhi pare kodhdhassaami tiqadhe payni atho amala huusundhi magha eeme athu wooti laanka hi'e yeo gheeqasti.
- KOLLUUSADHE**
- Mi'ayye qhariththo Kolloosi tak'k'amnaasi ho haxnottay arasa kodhdhe gheeqa pana k'aalathadhdhe tak'k'amadhattay achchina. Atho onke nu hi'aasettay hele alkanna; hussakka meelle haahuttay lighno kodhmiddhe tak'k'amanna pana mi'ayye bhahxhaxsi kaasqadhettay holpa kodmoosi mahxna'isenu usoosikka k'aark'araray.

### ACHCHANAKO

- Dhelle noosi nu qallipa qhamunku pulthunkottay ille akimne, ille pankanne, xeesno illena tiqanne pana pukkaqatte xeri xikkito pana kollinko xaytitona aghankinna hona tiqthama ille k'aark'arre.
- Mi'aadhenu nu qalli hussattay ha artti pulthawhe huusundhi pana kolladhampawhe xasadhe!
- Ille qale-mi'aadhe illay hike lihase (Maahxhadhdhe ACHCHANTIINE achchasattena I S S I arase). Hikkeesi a lihaste tupay, mi'aadheesi hikkettay xikkateesenu kasqa hike the mala lighakki an eemni.
- Mi'aadhe qhamu hikkissattay xikko kollannenu faroote pile pile nu, haa tupettay xayto armadha kula ghadho saappa'itha usundhe hxurri.

## KOLLO

## Gharsso kodhe

<b>KASIDHDHE</b>	Dhikkikka nakayho okayte
<b>ALAAMA</b>	Maahxhaadhdhe xanka kula qhamu achche saama xulsadhe pana mali xaytoosi tiqanne
<b>XEERE</b>	Tak'ika10-15
<b>NAQNO PUDHUNATTE</b>	Dhelle haka 10
<b>XAYTO</b>	Xikko hoqhqho pana xayto kolladhe
<b>ARRANGEMENT</b>	Kifilatte oghadhattay lallaaghamme
<b>MAAHXHAADHDHE</b>	Olho eemadhi
<b>SILME</b>	Olho eemadhi

## ALKASTAANE



Heenna- waarshito



Pako

- THAAYAMMO**
- Kodhmu hu heli gharno dhiktisepa xikko ille kala pana xayto kolladhe. Mi'aadhe hdhihatte qharroosi thaymoonna pana xeere tiqti kodhenna husa xaytironakki tayanne.
- KOLLUUSADHE**
- Dhelle qagghomma sikaapnottay hello aynataadhdheete gheeque. Usundhe dhiktisenu ak'aark'ar. Husi thaayammo lighno qawni xaytoosi xeesnotta tiqadhanna, kapay ho pulthawhatte pana kottanyunkito.
  - Xikko takkassa pana xaytudhdhe kolladhe pileete kaanta xayto miiri faafa "gharsso kodhe." Apaatti mi'aadhe xaytooma kodhdi payni xeere qagha mulona, qawni qawni xikkadhe ye usundhe gheeqasti, odhmunnu ghapko mali xayto gharisettay gharssu qhac'a kodhe ho gheeqasa.

## ACHCHANTIINE

- Mi'aadheni husu qhamu tak'k'amisa nu qalli huss usundhe eqe kaasa pukkaqatte xeesno tiqadht moonu payni husa xeesno pulthawhuusundhina tiqadha pana pudhunatte kittatte xeere kaasa kolladhe gheeqasa.
- xikko inthawampakko kala achche (kifile marrajaasi eeme) mi'aadhe illay, xayto oosheetesa illaa holase kodhe (olho tookko tookko haqise, t'arpeessakko shoshoqhe, pilekka).
- Mi'aadhe 1-2 saasa olho tookkoosi xaytooma ooshettay hi'aasenu haye.
- Dhelleesi olhossi kuyyankooma ooshiisi na taayise tupettay kolloosi konnanki taaki maahxhaadhdheesi tak'k'amananki!

## KOLLO Qhootte

<b>KASIDHDHE</b>	Dhikkikka nakayho okayte	
<b>ALAAMA</b>	Mo'unko xulsadhe tik'ime qhootteete	
<b>XEERE</b>	Tak'ik'a 8-10 saasa	
<b>NAQNO PUDHUNATTE</b>	mi'aadhe haka 15 saasa	
<b>XAYTO</b>	Dhelle qhoorrattettay qakkannanu xayto hxafna pana qhoorrattettay oghadhe	
<b>GHARSSO</b>	Dheelleesi qhooratte tootte dhammassa qakkateese	
<b>MAAHXHAADH DHE</b>	Kaase taaki maahxaththo pile ho qhoorrattettay saarppe alkasna	
<b>SILME</b>	Olho	
<b>THAAYAMMO</b>	•	
<b>KOLLUUSADHE</b>	• Pudhunissa naqi payni, xeere ille lighanna pothe laxxannay qhoqrranee hiisi hxasottay okaase alkannay.	



### ACHCHANTIINE

- Mi'aadheni pudhunaadhdeete kittatte olhu kollanne kaasana poolaadhde nuqalli, gharno gheeqaasa, pana hxaso sheeghe, maahxhe illa teexe gheeqaasa.
- Dhellenu qalle hussakka mo'unko illa qhoottettay illeqale maahxaththo hunkakka payni tak'k'amadhe. Husikka konnakkonnayye akke gheeqaasa taaki olho tookkoosi saathe ille lighana tak'k'amadhe payyo.
- xikko pothe thoray (xayto marraajjaasi eeme) mi'aadhe illay. Mi'aadheete na taayse hussakka usundhe qhoorrattettay kaase illa saarpise.